



Kattusseqatigiit Partiiat

5 april 2011

Inatsisartut suleriaasianni § 37 naapertorlugu apeqquteqaat imaattoq Naalakkersuisunut ingerlateqqippara:

Naalakkersuisunut apeqqutit:

Nunatsinni olie-siornissamut, gas.-mik ujaarlernissamut aatsitassarsionermut allanillu ujaqqanik erlinnartunik ujaarlernissamut nunatta avataaniit soqutiginnittorpasuit akuersissutinik qinnuteqaateqartarnerinut akiliisitsisalernissaq naalakkersuisut qanoq isumaqarfigaat ? (Inatsisartunut ilaasortaq Knud Fleischer, Kattusseqatigiit Partiiat)

Tunggavilersuut:

Nalunngilarput nunarput ataatsimut isigalugu avataaniit soqutigineqartorujussuuvoq. Allaammi maannamut paasinarpoq avataaniit suliffeqarfissuit assigiinngitsut pisuussutinik assigiinngitsunik misissuinissaminnut qinnuteqaataat maannamut katillugit 120 missaaniittut.

Kattusseqatigiit Partiiianiit isumaqarpugut pisuussutit assigiinngitsut nunatsinni pigineqartut aamma ilisimasat nunatsinniit annissuutiinnarneqartartut nammineerluta aquunnerunissaannut iliuseqartariaqartugut.

Taamaattumik misissuinissanut piumasaqaatit aallaqqaataaniilli eqqumaffiginissaat pingaaruteqartutut isumaqarfingaagut. Pingaartumik avatangiisinik pinngortitamillu illersuineq aamma eqqarsaatigalugit.

Takorloorsinnaavarput – ilumut immaqa assersuutigalugu qinnuteqaatit 120-it maannamut tunniunneqareersimasut – qinnuteqaammut ataatsimut 1 mio. kr-inik piumasaqaateqarsimagutta – taava nunatta karsianut 120 mio. kr-nit isertitsissutaassangaluarput.

Soorunami qinnuteqaatit ataasiakkaat qanoq akeqartinneqassanersut eqqartorneqarsinnaasut isumaqarpugut.